

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(III)10

**SOALAN BERTULIS OLEH AHLI KAWASAN BATU LANCANG
YB. ONG AH TEONG**

10. Isu gelandangan yang terdapat di Pulau Pinang. Adakah jabatan berkaitan mempunyai cadangan mewujudkan satu Pusat Transit Gelandangan seperti yang dilakukan di Kuala Lumpur?

**YB. PHEE BOON POH
MENJAWAB BAGI PIHAK Y.A.B. KETUA MENTERI**

10. Mulai tahun 2016, Kerajaan Negeri telah melaksanakan *Program Empowering The Street Citizens* bagi mengatasi masalah berkaitan gelandangan. Program bersifat *Tri-Partite Venture* ini menggabungkan sektor kerajaan, swasta dan Pertubuhan Badan Bukan Kerajaan (NGO).

Antara strategi program ini adalah membangunkan sebuah Pusat Transit Gelandangan yang akan dibekalkan dengan keperluan asas seperti makanan, pakaian dan tempat tinggal yang selesa sebagai permulaan. Selepas tamat tempoh penempatan, gelandangan ini diharapkan dapat berdikari dan berintegrasi dengan masyarakat. Pengurusan penempatan gelandangan ini dicadang dikendalikan oleh NGO yang dikenal pasti oleh pihak Kerajaan Negeri.

Pada ketika ini, Kerajaan Negeri telah mengenal pasti satu lokasi yang sesuai untuk dijadikan pusat transit gelandangan iaitu di Lot.19, Jalan C.Y. Choy, yang merupakan bangunan rumah kedai milik Majlis Bandaraya Pulau Pinang (MBPP).

